



IKLAN JAWATAN TIMBALAN NAIB CANSELOR UNIVERSITI SAINS MALAYSIA

A. MAKLUMAT JAWATAN

Jawatan	: Timbalan Naib Canselor (Jaringan Industri dan Masyarakat)
Kumpulan Perkhidmatan	: Pengurusan Tertinggi
Gred Jawatan	: Gred Utama B (VU6)(Terbuka)
Gaji	: Pakej imbuhan mengikut kelayakan dan elaun yang ditetapkan

B. KRITERIA UMUM

Seseorang calon bagi jawatan ini mestilah mempunyai kriteria-kriteria seperti berikut:

i) **Kecemerlangan Akademik**

Mempunyai kelayakan PhD merupakan satu kelebihan, mendapat *command of respect* daripada kalangan rakan sejawat, mempunyai rekod cemerlang dalam penyelidikan, penerbitan jurnal berwasit antarabangsa, inovasi dalam pengajaran dan cemerlang dalam khidmat profesional.

ii) **Pengiktirafan Antarabangsa**

Calon mestilah diiktiraf oleh *peers* antarabangsa sebagai pakar dalam bidangnya, mempunyai jaringan antarabangsa yang kukuh, pernah menerima pelbagai anugerah dan pengiktirafan dari organisasi terkemuka luar negara.

iii) **Kebolehan Memimpin dan Mengurus**

Calon mestilah mempunyai *people skills*, berpendekatan strategik yang boleh meneraju transformasi, mempunyai gagasan, visi dan misi serta mampu menggerakkan komuniti kampus ke arah budaya kecemerlangan. Pengalaman dan rekod kecemerlangan kepimpinan merupakan antara ciri utama menentukan kemampuan calon selain kemahiran komunikasi dan *interpersonal* yang mantap.

iv) Reputasi

Menjadi '*role model*' kepada semua peringkat staf, mempunyai pengalaman dan *proven track record* serta disanjung baik dan dihormati oleh masyarakat di dalam dan luar kampus.

v) Personaliti

Calon mestilah seorang yang berwibawa, berkarisma, bersahsiah tinggi, *team player* serta mempunyai motivasi dalaman untuk memacu kecemerlangan universiti. Calon juga mestilah memahami aspirasi negara untuk membangunkan modal insan mentaliti kelas pertama.

- Calon mestilah seorang yang berwibawa, berkarisma, bersahsiah tinggi, mampu bekerjasama dalam pasukan serta mempunyai motivasi dalaman untuk memacu kecemerlangan universiti. Calon juga mestilah memahami aspirasi negara dalam usaha membangunkan modal insan bermentaliti kelas pertama;
- Calon hendaklah mempunyai integriti dan akauntabiliti yang tinggi dalam melaksanakan tugas yang diamanahkan dan kuasa yang dipertanggungjawabkan bagi memastikan semua program dan inisiatif dilaksanakan secara telus berlandaskan prinsip integriti yang tinggi; dan
- Calon mestilah mempunyai perwatakan yang dinamik, bertanggungjawab dan komited terhadap tugas serta amanah yang dipertanggungjawabkan.

C. KRITERIA KHUSUS

Seseorang calon bagi jawatan ini mestilah memenuhi kriteria-kriteria seperti berikut:

i) Keupayaan Menyelaras dan Mendapatkan Pembiayaan Industri

Calon mestilah berkeupayaan untuk mendapatkan pembiayaan luar seperti endowmen, tajaan, geran industri dan sumbangan lain daripada pelbagai pemegang taruh. Calon juga bertanggungjawab membina rangkaian yang kukuh dengan sektor industri, mengenal pasti peluang kerjasama strategik dan memacu kolaborasi universiti-industri dalam pelbagai bentuk seperti penyelidikan gunaan dan inovasi, pengkomersialan hasil penyelidikan, pemindahan teknologi dan kepakaran, program akademik bersama serta latihan profesional demi menjana pulangan kepada universiti;

ii) Keupayaan Mengurus Program Perundingan dengan Agensi Kerajaan dan Swasta

Calon hendaklah memiliki keupayaan yang mantap dalam merancang, memperluas dan mempergiat program perundingan profesional dengan agensi kerajaan, badan berkanun dan sektor swasta. Tujuannya adalah untuk memastikan kerjasama dua hala yang lancar dan memberi manfaat timbal balik serta menjana pendapatan institusi melalui kepakaran yang dimiliki oleh universiti.

iii) Jaringan Hubungan yang Luas di Peringkat Nasional dan Antarabangsa

Calon mestilah mempunyai jaringan profesional yang aktif dan strategik di peringkat dalam dan luar negara khususnya dengan pihak industri, agensi pembangunan, serta pembuat dasar. Jaringan ini bertujuan memperluas peluang bagi mobiliti staf akademik dan pelajar, program pertukaran, penyelidikan bersama, serta latihan bertaraf antarabangsa.

iv) Keupayaan Mengurus Program Jaringan Industri dan Masyarakat

Calon bertanggungjawab memacu pembangunan program jaringan industri dan masyarakat universiti secara menyeluruh, termasuk mengenal pasti, merancang, melaksana dan memantau pelaksanaan program tersebut. Tujuannya adalah untuk memastikan program pengajaran serta aktiviti-aktiviti penyelidikan universiti kekal relevan, responsif, berpandukan aspirasi semasa dan menyumbang secara signifikan kepada kesejahteraan komuniti. Dalam masa yang sama, calon juga perlu menunjukkan kepakaran dan pengalaman dalam merancang serta melaksanakan program seperti program latihan industri (*internship*), mobiliti pelajar serta pembelajaran berasaskan kerja (*Work-Based Learning*) yang bertujuan meningkatkan nilai graduan dan memperkukuh hubungan strategik antara universiti dan industri.

v) Keupayaan Menggerak dan Menerajui Penerapan Matlamat Pembangunan Lestari (SDG) dan Memfokus Aspek Sosial, Alam Sekitar dan Governan/ Tatakelola (EDG)

Calon hendaklah mempunyai keupayaan untuk mempergiatkan penerapan dan pembudayaan Matlamat Pembangunan Lestari (SDG) secara proaktif, sistematik dan menyeluruh dalam semua aspek pengurusan serta pembangunan institusi yang lestari termasuk pengurusan perladangan lestari. Penekanan khusus perlu diberikan kepada aspek sosial, alam sekitar dan tadbir urus (ESG) agar prinsip-prinsip kelestarian ini dapat dihayati dan diamalkan oleh seluruh warga kampus. Ini termasuk :

- Membangun serta memperkukuh jaringan strategik dengan industri dan komuniti sebagai pemangkin kepada kelestarian dan pemindahan ilmu;

- Mengawal selia semua hal ehwal perkhidmatan, tanah dan aset secara berintegriti dan lestari; serta
- Memastikan pelaksanaan dasar dan inisiatif pembangunan universiti berpaksikan nilai kelestarian sejagat.

D. CARA MEMOHON

Calon yang berminat untuk mengisi jawatan ini perlulah mengemukakan surat permohonan rasmi berserta dokumen seperti di bawah:

- Curriculum Vitae* (CV) Kepimpinan (seperti format di **Lampiran 2**).
- Curriculum Vitae* (CV) penuh calon yang memohon.
- Salinan sijil (jika berkaitan).
- Calon juga dikehendaki mengemukakan kertas cadangan serta pencapaian semasa serta ringkasan mengenai wawasan dan perancangan jangka pendek dan jangka panjang sekiranya dilantik sebagai Timbalan Naib Canselor (Jaringan Industri dan Masyarakat).

- **Surat permohonan rasmi dan dokumen-dokumen dalam format PDF perlu dihantar melalui emel: registrar@usm.my**
- **Tarikh tutup permohonan: 29 Julai 2025 (Selasa)**
- *Calon-calon yang berkeelayakan dan memenuhi kriteria sahaja akan disaring untuk disenarai pendek/dipanggil untuk sesi temu duga*

E. PERTANYAAN

Sebarang pertanyaan bolehlah dikemukakan kepada:

MOHD AZIZUDIN BIN MOHD SHARIFF

Pendaftar

Universiti Sains Malaysia

No. Telefon : 04-6533111

Emel : registrar@usm.my